



15.01.2024

## „Romantiska dróha – Augsburg / Füssen a wokolina“

**Kubłanska wuprawa Serbskeho šulskeho towarstwa z.t.**

wot njedzele 12.05. do štwórtka 16.05.2024

Lubi čłonojo SŠT a dalši zajimcy,

džensa Was wutrobnje přeprošujemy na našu wjacednjowsku jězbu po Romantiskej dróze wot Augsburga do Füssen a wokoliny. Nadžijamy so, zo smy za Was zajimawy program přihotowali.

### **njedzelu, 12.05.2024**

Wotjědzemy z Cordulu a jeje busom w 7.00 hodž. z A.-Beblowehe-naměsta w Budyšinje. Zwonkabydlacy dóstanu informaciju k wotjězdej. Pojědzemy po awtodróze přez Kamjenicu, Šwikawu, Plauen, Hof, Bayreuth, dale přez Nürnberg do našeho hotela w Königsbrunn w bliskosci wot Augsburga. Tu mamy w hotelu \*\*\*\* „BESTHOTEL Zeller“ štyri přenocowanja ze snědanju a wječerju skazane. ([www.hotelzeller.de](http://www.hotelzeller.de))

### **póndzelu, 13.05.2024**

Po snědani pojědzemy z našim přewodźerjom do Augsburga. Tam wobhladamy sebi najstarše socialne sydlišćo swěta. Jakob Fugger załoži tute w léće 1521. Potom smy přeprošeni do putniskeho města Maria Vesperbild – to je wjesny džěl gmejny Ziemetshausen we wokrjesu Günzburg (Šwabska, Bayerska). 1650 bu po puću wot Ziemetshausena do Langenneufna jako džak za kónc Třicečilětnjeje wójny pólna kapačka natwarjena. 1754 nasto nětčiša putniska cyrkej. [www.maria-vesperbild.de](http://www.maria-vesperbild.de). Nawječor wróćimy so do hotela.

### **wutoru, 14.05.2024**

Mjez wjerškami alpow a tójšto jězorami pojědzemy do městačka Füssen w Allgäu - na južnym kóncu "Romantiskeje dróhi". Tuta kónčina je jedna z najbóle jimacych bayerskich dowolowych regionow. Dale podamy so na Hród Hochenschwangau. W 12. lětstotku bu Hród Schwanstein, kaž so tehdy mjenowaše, přeni raz naspomnjeny. Bayerska kralowska swójba wužiwaše jón jako lětnju a hońtwjersku rezidencu.

Na dompuću pozastanjemy w znatej Wieskirche. Łukowska cyrkej – słuša do UNESCO swětowego kulturneho herbstwa. Cyrkej je romsko-katolska putniska cyrkej we wjesnym džělu Wies, wosady Steingaden – wusahowace - 1754 dotwarjene rokoko-twarjenje w Augsburgskim biskopstwje. Patron cyrkwyje je swjaty Józef. Wottam dže zaso wróćo do hotela.

### **srjedu, 15.05.2024**

Po snědani podamy so do Lindau při Bodamskim jězoru. Tam chcemy sebi najprjedy městačko wobhladać a potom z parnikom po jězoru pućować.

### **štwórtk, 16.05.2024**

Wotjězd wot hotela po snědani na směr Ingolstadt, Regensburg, Hof do Sakskeje – našeje domizny.

